




伊4
1046
92

卷
三百三十三百三十一
四裔





74
1046
92

文獻通考卷之三百三十

鄱陽 馬端臨 貴輿 著

四裔考

驃國

唐正元十八年春正月南詔使來朝驃國王始遣其弟悉利移來朝華言謂之驃自謂突羅朱闍婆人謂之徒里拙古未嘗通中國

魏晉間有著西南異方志及南中八郡者云求昌古哀牢國也傳聞求昌西南三千里有驃國君臣父子長幼有序然無見史傳者今其聞南詔異牟尋歸附心慕之乃因南詔重譯遣子朝貢東北拒南詔咩苴城六千八百里凡去上都萬四千里在求昌故郡南二千里餘其國境東西三千里往來通聘者迦羅婆提等二十國役屬者道林王等九城食境土者羅君潛等二百九十八部落東

文獻通考卷之三百三十 四裔考

利
289
92

鄰真蠟國西接東天竺國南盡滇海北通南詔些樂城界其王姓
困沒長名摩羅惹其國相名摩訶斯那其王近適則與以金繩牀
遠適則乘象嬪御甚衆侍御常數百人其羅城構以孰斃周一百
六十里塚岸亦構以甃相傳本是舍利佛城內有居人數萬家佛
寺百餘區其堂宇皆錯以金銀帷以丹彩地以紫鑲覆以錦罽其
俗好生惡殺其土宜菽粟稻梁無麻麥其理無刑名桎梏之具犯
罪者以竹五本束之伏犯者撻其背數止五輕者止三殺人者戮
之男女七歲則落髮止寺住桑門至二十五悟佛理乃復為居人
其衣服悉以白氎與朝霞繞腰而已不衣繒帛云出於蠻為傷生
也獻其國樂凡二十二曲與樂工三十五人來朝樂曲皆演釋氏
經論之詞意二十一年四月封彌臣國嗣王道勿禮為彌臣國王
焉咸通三年二月遣使貢方物

西原蠻

西原蠻居廣容之南邕桂之西有審氏者相承為豪又有黃氏居
黃橙洞其隸也其地西接南詔唐天寶初黃氏彊與韋氏儂氏胥
齒為寇害據十餘州韋氏周氏恥不肯附黃氏攻之逐于海濱至
德初首領黃乾曜真崇儼與陸州武陽朱蘭洞蠻皆叛推武承夔
韋敬簡為師僭號中越王廖殷為桂南王莫淳為柘南王相支為
南越王梁奉為鎮南王羅誠為戎成王莫濤為南海王合衆二十
萬餘地數千里署置官吏攻桂管十八州所至焚廬舍掠士女更
四歲不能平乾元初遣中使慰曉諸首領賜詔書赦其罪約降於
是西原環古等州首領方子彈其令暉羅承韋張九解宋原五百
餘人請出兵討承夔等歲中戰二百斬黃乾曜真崇儼廖殷莫淳
梁奉羅誠莫濤七人承夔等以餘衆面縛詣桂州降盡釋其縛差

賜布帛縱之其種落張俠夏求與夷掠梁崇牽覃問及西原酋長
吳功曹復合兵內寇陷道州據城五十餘日桂管經畧使邢濟擊
平之執吳功曹等餘衆復圍道州刺史元結固守不能下進攻永
州陷邵州留數日而去湖南團練使辛京果遣將王國良戍武崗
嫉京果貪暴亦叛有衆千人侵掠州縣發使招之且服且叛建中
元年城溱州以斷西原國良乃降貞元十年黃洞首領黃少卿者
攻邕管圍經畧使孫公器請發嶺南兵窮討之德宗不許命中人
招諭不從俄陷欽橫潯貴四州少卿子昌沔矯勇前後陷十三州
氣益振乃以唐州刺史陽旻為容管招討經畧使引帥掩賊一日
六七戰皆破之侵地悉復元和初邕州擒其別帥黃承慶明年少
卿等歸欵拜歸順州刺史弟少高為賓州刺史未幾復叛又有黃
少慶黃昌權二部陷賓巒二州據之十一年攻欽橫二州邕管經

畧使韋悅破走之取賓巒二州是歲復署嚴州桂管觀察使斐行
立輕其軍弱首請發兵盡誅叛者微幸有功憲宗許之行立兵出
擊兵更三歲妄奏斬獲二萬周天子為解自是邕容兩道沒傷疾
疫死者十八以上調費闕亡繇行立陽旻二人當時莫不咎之及
安南兵亂殺都護李象古權唐州刺史桂仲武為都護逗留不敢
進敗安州刺史以行立代之尋召還卒長慶初以容管經畧使留
後嚴公素為經畧使上表請討黃氏兵部侍郎韓愈建言曰南討
損傷嶺南人希賊之所處洞壘荒僻假如盡殺其人得其地在國
計不為有益容貸羈縻此之禽獸來則捍禦去則不追未有虧損
朝廷願因政元大慶普赦其罪遣官以天子息意宣諭必能聽命
乃選材用威信者處以經畧處理得方宜無侵叛不納後黃賊更
攻邕州陷左江鎮攻欽州陷千金鎮明年又寇欽州是歲黃昌瓌

遣其黨陳少奇二十人歸欵請降。敬宗納之。黃氏儂氏據州十八
經略使至遣一人詣治所稍不得意輒侵掠諸州。橫州當邕江官
道嶺南節度使常以兵五百戍守不能制。大中經略使董昌齡
遣子蘭討平峒。峒夷其種黨諸蠻畏服。有違命者必嚴罰之。十八
州歲輸貢賦。道路清平。其後儂洞最強。結南詔為助。懿宗與南詔
約和二洞。數構敗之。邕管節度使辛讜以從事徐雲虔使南詔。結
和齊美貨。啖二洞首領儂金勒等與之通歡。金勒聽命。宋時儂氏
世為廣源州首領。州在邕州西南鬱江之源地。峭絕深阻。產黃金
丹砂。頗有邑。君聚落自交趾蠻據有安南。而廣源雖號邕管。羈繫
其實。服役於交趾。初有儂全福者。知儂猶州。其弟存祿。知萬涯州。
全福妻弟儂當道。知武勒州。一日全福殺存祿。當道并有其地。交
趾怒。舉兵虜全福及其子智聰。以歸其婦阿儂。本左江武勒族也。
轉至黨猶州。全福納之。全福見虜阿儂。遂嫁南人生子名智高。生
十三年。殺其父。商人曰天下豈有二父邪。因冒儂姓。與其母奔雷
火峒。其母又嫁特磨道儂夏卿。父之智高。後與其母出據儂猶州。
建國曰大曆。交趾復拔儂猶州。執智高。釋其罪。使知廣源州。又以
雷火頻婆回峒。及思浪州。附益之。居四年。內怨交趾。襲據安德州。
僭稱南天國。改年景瑞。皇祐五年。寇邕州。明年交趾發兵討之。不
克。廣西轉運使蕭固遣邕州指使开贊往刺候。而贊擅發兵攻智
高。為所執。因問中國虛實。贊為陳大略。說智高。內屬。乃遣贊還奉
表。請歲貢方物。未聽。又以馴象金銀來獻。朝廷以其役屬。交趾拒
之後。復齎金函書以請。知邕州陳珙上聞。不報。智高既不得請。又
與交趾為仇。且擅山澤之利。遂招納亡命。數出敝衣易穀。食詒言
峒中。畿部落離散。邕州信其微弱。不設備也。乃與廣州進士黃瑋

黃師宓及其黨儂建侯儂志忠等日夜謀入寇一夕焚其巢穴給其衆曰平生積聚今為天火焚無以為生計窮矣當拔邕州據廣州以自王否則兵死四年四月率衆五千公鬱江東下攻破橫山寨遂破邕州執知州陳珙等害之智高僭號仁惠皇帝改年啓曆時天下久安嶺南州縣無備一旦兵起倉卒守將多棄城遁故智高所向得志相繼破橫貴龔潯藤梧封端康九州所至焚府庫殺官吏進圍廣州五十餘日不克解去又破昭賓二州復據邕州陳曉等兵敗朝廷命狄青為宣撫使督諸軍進兵絕崑崙關智高悉衆拒戰大敗夜焚城遁由合江口入大理國智高自起至平幾一年暴踐一方吏民不勝其毒朝廷為下赦令拊瘡痍智高既敗其母阿儂入保特磨依其夫儂夏卿收殘衆三千餘人復欲入寇安撫使余靖督部史發峒兵入特磨掩襲之獲阿儂及智高弟智光等檻送京師棄市智高不知所終儂氏又有宗旦者知火峒稍桀黠嘉祐二年嘗入寇知桂州蕭固招之內屬補以官七年宗旦父子請以所屬城峒求為王民詔各遷一官賜賚有差是歲儂夏卿儂亮亦自特磨來歸皆其族也

石湖范氏桂海虞衡志曰儂智高反朝廷討平之因其疆域參唐制分析其種落大者為州小者為縣又小者為洞凡五十餘所推其長雄者首領籍其民為壯丁以藩籬內郡障防外蠻緩急追集備禦制如官軍其首皆世襲分隸諸寨總隸於提舉左江四寨二提舉右江四寨一提舉寨官民官也知寨主簿各一員掌諸洞財賦左江屯永平太平右江屯橫山掌諸洞煙火民丁以官兵盡護之大抵人物犷悍風俗荒恠不可盡以中國教法繩治姑羈縻之而已有知州權州監州知縣知洞皆命於安

撫若監司給文帖朱記其次有同發遣權發遣之屬謂之官典各命於其州每村團又推一人為長謂之主戶餘民皆稱提陀猶言百姓也洞丁有爭各訟諸酋酋不能決若酋自爭則訟諸寨或提舉又不能決訟諸邕管次至帥司而止皇祐以前知州補授不過都知兵馬使僅比徽校智高之亂洞人立功始有補班行者諸洞知州不敢坐其上視朝廷爵命尚知尊敬元豐以後漸任中州官近歲洞酋多寄籍內地納粟補授無非大小使臣或敢詣闕陳獻利害至借補閣職與帥守伉禮其為招馬官者尤與州縣相狎子弟有入邕州應舉者招致游士多設耳目州縣文移未下已先知之輿騎居室服用皆擬公侯如安平州之李械田州之黃讚皆有強兵矣民田計口給民不得典賣惟自開荒者由已謂之祖業口分田知州別得養印田猶圭田也

權州以下無印記者得蔭免田既各服屬其民又以攻剽山獠及博買嫁娶所得生口男女相配給田使耕教以武伎世世隸屬謂之家奴亦曰家丁強壯可教勒者謂之田子甲亦曰馬前牌皆青布巾跣足總謂之洞丁舊一州多不過五六百人今有以千計者元豐中葺籍其數十餘萬老弱不與此籍久不脩矣洞丁往往勁捷能辛苦穿皮履上下山不煩其械器有桶子甲長槍手標偏刀邊鐔牌山弩竹箭枕榔箭之屬其相讎殺彼此布陣各張兩翼以相包果人多翼長者勝無他奇民居苦茅為兩重棚謂之麻欄上以自處下蓄牛豕棚工編竹為棧但有一牛皮為裊席牛豕之穢升聞棧鏹習慣之亦以其地多虎狼不爾則人畜俱不安深廣民居亦多如此洞人生理尤苟簡冬編鵝毛木綿夏緝蕉竹麻紵為衣搏飯淘水以食家具藏土窖以

備寇掠土產生金銀銅鉛綠丹砂翠羽洞綵練布茴香草果諸藥冬逐其利不困乏今黃姓尚多而儂姓絕少蓋智高亂後儂氏善良許從國姓故今多姓趙氏舉洞純一姓者婚姻自若酋豪或聚數妻皆曰媚娘洞官之家婚嫁以龐豪汰侈相高娉送禮儀多至千擔少亦半之婿來就親女家於五里外結草屋百餘間與君謂之入寮兩家各以鼓樂迎男女至寮女婢妾百餘婿僮僕至數百成禮之夕兩家各盛兵為備小有言則兵刃相接成婚後婿常抽刃妻之婢妾迂意即手殺之自入寮能多殺婢則妻黨畏之否則謂之懦半年而後歸夫家人遠出而歸者止於三十里外家遣巫提竹籃迂脫歸人帖身衣貯之籃以前導還家言為行人收魂歸也親始死被髮持餅壘慟哭水濱擲銅錢紙錢於水汲歸浴屍謂之買水否則鄰里以為不孝此州

縣雖曰羈縻然皆耕作省地歲輸稅米於官始時國家規模宏遠以民官治理之兵官鎮壓之以諸洞財力養官軍以民丁備招集驅使上下相維有臂指之勢洞酋雖號知州縣多服皂白布袍類里正戶長叅寨官皆橫挺自稱某州防遏盜賊大抵見知寨如里正之於長官奉提舉如卒伍之於主將視管如朝廷望經畧帥府則如神明號令風靡保鄣隱然比年不然諸洞不供租賦故無糧以養提舉之兵提舉兵力單弱故威令不行寨官非惟墮不舉職且日走洞官之門握手為市提舉官亦不復威重與之交關通賄其間有自愛稍欲振舉諸洞必共汙染之使以罪去甚則醜焉原其始皆邊吏冒犯徇利致然此弊固未易悉數也故事安撫經略使初開幕府頒鹽絲徧犒首領以公文下教謂之委曲大略使固守邊界存卹壯丁云邕州守臣

舊不輕付屯卒將五千人京師遣入作司大兵城邊備甚飭此
來邕州經費匱闕觸事廢弛但存羸卒數百人城壁器械頽壞
不脩安撫都監司事體肢弱州洞桀黠無所忌至掠省民客旅
縛賣於交趾諸蠻又招收省民不逞及配隸亡命者以益田子
甲反隱然平視安撫都監司此非特久計慶曆廣源之變為鑒
豈遠哉

焦僥國

焦僥國後漢時通焉明帝永平中西南夷焦僥貢獻安帝永初中
永昌倣外焦僥種夷陸穎等三千餘口舉種內附獻象牙水牛封
牛其人長三尺九寸居善游鳥獸懼焉其地草木冬落夏生

禪國

禪音檀國後漢時通焉和帝永元中其國王雍由調遣譯奉國珍
寶和帝賜金印紫綬安帝永寧初復遣使朝賀獻樂及幻人能變
化吐火自支解易牛馬頭又善跳丸數乃至十自言我海西人海
西即大秦也禪國西南大秦明年元會安帝作樂於庭封雍由調
為漢大都尉

兩爨蠻

兩爨蠻自由州靖州西南昆川曲軌晉寧喻獻安寧距龍和城通
謂之西爨白蠻自彌鹿并麻二川南至步謂之東爨烏蠻西爨自
云本安邑人七世祖晉南寧太守中國亂遂王蠻中宋元帝時南
寧州刺史徐文盛召詣荊州有爨蠻者據其地延袤二千餘里土
多駿馬犀象明珠既死子震翫分統其衆隋開皇初遣使朝貢命
韋世冲以兵戍之置恭州協州昆州未幾叛史萬歲擊之至西洱
河滇池而還震翫懼而入朝文帝誅之諸子沒為奴唐高祖即位

以其子弘遠為昆州刺史奉父喪歸而益州刺史段綸遣俞大施至南寧治共範川誘諸部皆納欵貢方物(太宗)遣將擊西蠻開青蛉棟為縣蠻之西有徒莫祗蠻儵望蠻貞觀二十三年內屬以其地為傍望覽丘求五州隸郎州都督府白水蠻地與青蛉弄棟接郎州亦隸弄棟西有大勃弄小勃弄二州蠻其西與黃瓜葉榆西洱河接其衆完富與蜀將無酋長喜相讎怨永徽初大勃弄楊承顛私署將帥寇麻州都督任懷玉招之不聽(高宗)以左領軍將軍趙孝祖為郎州道行軍總管與懷玉討之至羅什疾山其酋禿磨蒲與大鬼主都于以衆塞菁口孝祖大破之夷人尚鬼謂主祭者為鬼主每歲戶出一牛或一羊就其家祭之送鬼迎鬼必有兵因以復仇云孝祖屢破降諸部西南夷遂定(玄宗)時諸蠻互相並起攻稍離弱貞元中置都督府于峯州領羈縻州十八為蠻與南

詔世婚姻其種分七部落土多牛馬無布帛衣皮俗尚無鬼無拜跪之節其語四譯乃通中國大部落有大鬼主百家則置千鬼主勿鄧部地方千里有卅部六姓又有東欽蠻粟蠻雷蠻慶蠻散慶黎雋戎數州之鄙隸勿鄧其南七十里有兩林部落其南有豐邑部落兩林地雖陝而諸部推為長號都鬼主勿鄧豐邑兩林皆謂之東蠻天寶中皆受封爵及南詔陷雋州遂羈縻吐蕃貞元中復通欵以數為吐蕃攻獵乃遣韋臯書乞兵攻吐蕃臯遣兵大破吐蕃於北谷獲其鎧仗牛馬詔封其鬼主首那特等皆為郡主給印章袍帶歲給其部鹽絲後唐天成中山後兩林蠻遣其大鬼主來貢(宋)開寶二年兩林蠻王子及卅部川蠻都鬼主入貢詔嘉納之賜以器幣由黎州南行七百里至其地又一程至雋州今廢空城中但有浮圖一又二程至建昌城又十七程至雲南三年七月又

朝貢八年又入貢太平興國初遣使貢名馬方物乞頒正朔詔加其官優獎之淳化元年黎州蠻乞互市詔增給其直自是迄真宗朝入貢不絕每優詔加官厚賜遣之天聖八年十月邛部川蠻主黎在遣使入貢時占城龜茲沙州亦皆入貢至以家自隨晏殊因請黎六人物衣冠并訪道里風俗以上史官詔可明道元年黎在請三歲一貢詔諭道路遐遠許五年一至邛部於諸蠻中最驕悍狡譎招集蕃漢亡命侵攘它種閉其道以專利熙寧三年首領首尅遣使來賀登極自稱大渡河南邛部山前山後百蠻都首賜勅書器幣襲衣銀帶首尅死詔以其子韋則襲封懷化校尉大渡河南邛部川都鬼主乾道九年詔以厓韞承襲兄蒙備金紫光祿大夫懷化校尉都鬼主如故從西川宣撫司請也淳熙元年吐蕃種落侵犯邊境崖韞率眾掩殺詔令四川軍撫司具功狀聞奏二年制置使范成大奏兩林蠻王第籠畏首領崖來等攻邛部川之襲甕城不克虜掠而去崖韞遣人追逐已下黎州隄防之七年樞密院編修官李嘉謀言黎州邊面近則有曰邛部川曰河南蠻曰女兒城蠻曰青差口吐蕃曰五部落遠則大小雲南州之三邊大抵諸蕃環列今以馬故日至太守之庭彼既狎玩始有內侮之心自今宜令通判專任市馬太守專任邊事詔市馬令通判專任外餘守臣措置八年崖韞死其姪墨崖承襲依例授官詔自今黎民屯戍土軍禁軍並聽黎州守臣節制其西兵遇有邊事亦聽守臣節制從編脩官李嘉謀之言也寧宗嘉定九年邛部川為雲南所逼折歸雲南初邛部鬼主部庫與其親族厓則內自攻崖則結兩林蠻為援部庫聞之懼求救雲南喜其附已遂起兵攻兩林蠻滅之蠻族素忠順自國初以來蔽遮雲南之路故雲南與中國絕及是

黎州失蕃籬之蔽矣自黔恭以西至涪瀘嘉叙自階文折而東南至威茂黎雅被邊十餘郡綿亘數千里剛夷惡掠殆千萬種自治平之末訖于靖康大抵皆通互市奉職貢雖時有剽掠如鼠竊狗偷不能為深患云

松外諸蠻

松外諸蠻數十百部大者五六百戶小者二三凡有數十姓趙楊李董為貴族皆擅山川不能相君長有城郭文字頗知陰陽曆數自夜郎滇池以西皆莊蹻之裔有稻麥粟豆絲麻薤蒜桃李以十二月為歲首布幅廣七寸正月蠶生二月熟男子氍毹為帔女衣純布褰衫髻盤如鬢飯用竹筲博而噉之鳥杯貯羹如雞彝徒跣有舟無車死則坎地殯舍左屋之三年乃葬以蠶蚌封棺父母喪斬衰布衣不澡者四五年近者二三年為人所殺者子必麻枯髮

墨面衣不緝居喪婚嫁不廢亦弗避同姓壻不親迎富室娶妻納金銀牛羊酒女所齎亦如之有罪者樹一長木擊鼓集眾其下疆盜殺之富者貫死燒羣奪其田盜者倍九而償賊姦淫則疆族輸金銀請和而棄其妻處女釐婦不坐凡和殺必報力不能則其部助之祭祀殺牛馬親聯畢會助以牛酒多至數百人唐貞觀中雋州都督劉伯英上疏言松外諸蠻率蹇附亟叛請擊之西洱河天空道可通也居數歲太守以右武侯將軍梁達方發蜀十二州兵進討首帥雙舍拒戰敗走殺獲十餘萬群蠻震駭走保山谷建方諭降者七十餘部戶十萬九千署首領蒙和為縣令餘眾感悅西洱河蠻亦曰河蠻道繇郎州走三千里建方遣其兵自雋州道千五百里掩之其帥楊盛大駭欲遁去使者好語約降乃遣首領十人納款軍門建方振旅還二十二年西洱河大首領楊欽松外首

領蒙羽皆入朝授官秩顯慶元年西洱河大首領楊棟附顯和蠻大首王羅祁郎昆梨四州大首領王伽衝率部落四千人歸附入朝貢方物其後茂州西南築安戎城絕吐蕃通蠻之道生羌為吐蕃鄉導攻拔之增兵以守西洱河諸蠻皆臣吐蕃開元中首領始入朝授刺史會南詔蒙歸義拔大河城乃北徙更羈制於浪穹詔浪穹詔已破又徙雲南柘城黎州領羈縻奉上等州二十六開元十七年又領羈縻夏梁卜貴等州三十一

尾濮

尾濮漢魏以後在興右郡今雲南西南千五百里徼外其人尾長三四寸欲坐輒先穿地為穴以安其尾尾折便死居木上食人俗又啜其老者唯識母不識父其俗有賓客殺老以供厨故賓婚有日老者必泣其地有稷及陸稻多鹽井饒犀象有弓矢革鎧以

赤獠猴皮垂錫珠翡翠為冠幘按木濮即尾濮也又按南羅中人人有尾長五六寸其俗食人按其地並西南蒲羅蓋尾濮之地各

木綿濮

木綿濮土有木綿樹多葉又生房甚繁房中綿如蠶所作其大如捲音拳

文面濮

文面濮其俗劊面以青畫之劊音讒

折腰濮

折腰濮其俗生子皆折其腰

赤口濮

赤口濮在永昌南其俗折其齒劊其唇使赤又露身無衣服

黑髮濮

黑黻濮在永昌西南山居耐勤苦其衣服婦人一幅布為裙或以貫頭丈夫以穀皮為衣其境出白蹄牛犀象琥珀金桐華布又諸濮之域皆出楛矢爾雅曰南至於濮周書王會卜人丹法注云卜人西南之蠻丹沙所出今按卜人蓋濮人也按諸濮與袁字地相接故附之

交趾

交趾本漢初南越之地漢武帝平南越分其地為儋耳珠厓南海蒼梧鬱林合浦交趾日南九真凡九郡置交趾刺史以領之後漢置交州晉宋齊因之又為交趾郡陳亦因之隋平陳廢郡置州煬帝初廢州置郡唐武德中改交州總管府至德中改安南都護府朱梁正明中土豪曲承美專有其地送款於末帝因授承美節鉞時劉陔擅命嶺表遣將李和順伐承美執之乃并其土宇後有楊廷藝紹洪皆受廣南為署繼為交趾節度使紹洪卒州將吳昌岌

遂居其位昌岌死其弟昌文承襲宋乾德初昌文死其弟謀吳處瑛峯州刺史矯知護武寧州刺史楊暉牙將杜景碩等爭立管內十二州大亂部民嘯聚起為寇盜攻交州先是楊廷藝以牙將丁公著攝驪州刺史兼禦蕃都督部領即其子也公著死部領繼之至是部領與其子璉率兵擊敗處瑛等賊黨潰散境內安堵部民德之乃推部領為交州帥號曰大勝王署其子璉以為節度使凡三年璉襲父位立七年聞太祖克平嶺表遂遣使貢方物上表內附制授璉檢校太師靜海軍節度使安南都護其進奉使皆命以官八年遣使貢犀象香藥是歲秋制授開府儀同三司檢校太師封交趾郡王太宗即位璉又貢方物璉死弟璿尚幼嗣立大將黎桓擅權劫遷璿於別第舉族禁錮代總其衆太宗聞之怒議舉兵弔伐太平興國五年詔孫全興張璿崔亮以陸路兵自邕州路入

劉澄賈湜王儼等以水路兵自廣州路入是歲黎桓遣使貢方物仍為丁璿上表乞襲位上察其欲緩王師寢不報是時王師進討破賊萬餘衆斬首萬餘級六年春又破賊於白藤江口斬首千餘級獲戰艦二百艘甲冑萬計轉運使侯仁寶率前軍先進全興等頗兵花步七十日以俟澄仁寶累促之不進澄仁寶及至并軍由水路至多羅村不遇賊復擅廻花步桓詐降以誘仁寶遂為其所害轉運許仲宣馳奏其事遂班師上遣使就効澄湜儼澄尋病死湜等具伏並戮於邕州市全興至闕亦下吏坐誅餘抵罪有差仁寶贈工部侍郎七年桓懼朝廷終行討滅復以丁璿為名遣使貢方物上表謝罪八年桓自稱權交州三使留後遣牙將入貢上表自陳上賜詔書因而撫之仍諭以遣丁璿母子及其親屬盡室來歸當降制授卿節麾時黎桓已專據其土不聽命是歲五月上言占

城國水陸象馬數萬來寇蠻以部兵擊走之繫斬千計雍熙二年復遣使貢方物上表求正領節鎮三年秋又遣使入貢僭州言占城國人蒲羅遏率其族百餘衆內附言為交州所逼故也是歲十月制授相檢校太保使持節都督交州諸軍事安南都護充靜海軍節度使交州管內觀察處置等使封京兆郡侯賜食邑功臣號端拱元年加檢校太尉淳化元年加特進遣左正言直史館朱鎬往使鎬歸闕上令條列山川形勢事跡以聞鎬等具奏白去歲秋末抵交州境桓遣牙內都指揮使丁承正等以船九艘卒三百人至太平軍來迎由海口入大海冒涉風濤頗歷危險經半月至白藤徑入海汊乘潮而行凡宿泊之所有茅舍三間營葺尚新目為館驛至長州漸近本國桓張皇虛誕務為誇詫盡出舟戰擢謂之耀軍自是宵征抵海岸至交州僅十五里有茅亭五間題曰茅徑

驛至城一百里驅部民畜妄稱官牛數不滿千揚言十萬又廣率其民混為軍旅衣以雜色之衣乘船鼓噪近城之山虛張白旗以為陳兵之象俄而擁從桓至展郊迎之禮歛馬側身問皇帝起居畢按轡偕行時以檳榔相遺馬上食之此風俗待賓之厚意也城中無居民止有茅竹屋數十百區以為軍營而府署湫隘題其門曰明德門桓質陋而目眇自言近歲與蠻寇接戰墜馬傷足受詔不拜信宿之後乃張筵飲宴又出臨以以為娛賓之游桓跣足持竿入水標魚每中一魚左右皆叫譟歡躍凡有宴會預坐之人悉令解帶冠以帽子桓多衣纈及紅色之衣帽以真珠為飾或自歌勸酒莫能曉其辭嘗令數十人扛大蛇長數丈饋於使館且曰若能食此當治之為饌以獻焉又羈送二虎以備縱觀皆却之不受士卒殆三千人悉黥額曰天子軍量以木穗日給令自舂為食兵

器止有弓弩木牌梭槍竹槍弱不可用桓輕脫殘忍阨此小人腹心闕豎五七輩錯立其側好狎飯以手令為樂凡官屬善其事者擢居親近左右有小過亦殺之或鞭其背一百至二百賓佐小不如意亦擗之三十至五十黥為鬻吏怒息乃召復其位有木塔其制樸陋桓一日請同遊覽地無寒氣十一月猶衣夾衣揮扇四年進封桓交趾郡王五年遣牙校費崇德等來脩貢然桓性本凶狠負阻山河屢為寇害漸失藩臣之禮至道元年春廣西路轉運使張觀欽州如洪鎮兵馬監押衛昭美皆上言有交趾戰船百餘艘寇如洪鎮掠居民劫廩實而去其夏桓所管蘇茂州又以鄉兵五千寇邕州所管祿山都巡檢楊文傑擊走之太宗志在撫寧荒服不欲問罪既而遣李若拙賚詔并美玉帶往賜既至桓出郊迎然詞氣尚悖慢謂若拙曰向者劫如洪鎮乃外境蠻賊也皇帝知此

非交州兵否若使交果叛命當首攻番禺次擊閩越豈止如洪鎮而已若拙從容以語折之桓頰首謝真宗即位封南平王兼侍中相遣使來貢賜詔書慰獎先是使至交州桓即以貢賦為辭因緣賦歛上聞之止令疆吏召受綸命而不復專遣使者景德元年遣其子攝驩州刺史明提來貢懇加恩使至本道慰撫遐裔許之三年桓卒立中子龍鉞兄龍全劫庫財而遁其弟龍挺殺龍鉞自立龍兄明護率扶闌寨攻明提以國亂不能還詔廣州優加資給乃以邵暉為沿海安撫使令曉譬之暉貽書交州諭以朝廷威德如其自相魚肉久無定位偏師問罪則黎氏盡滅矣明護懼即奉龍廷主軍事欲脩貢詔許之乃遣第峯州刺史明昶等入貢詔授龍廷檢校太尉靜海軍節度處制等使安南都護御史大夫上柱國交趾郡王賜食邑功臣號仍賜名至忠又追贈桓中書令南越王官其進奉使大中祥符元年東封畢加同平章事增食邑功臣號至忠遣使入獻三年求互市於邕州詔止仍舊制止許於廉州及如洪寨互市蓋以邕為邊隅控扼之所或直趨內地事非便故也至忠裁年二十六苛虐不法國人不附大校李公蘊尤為至忠親任嘗令以黎為姓其年遂圖至忠遂殺其弟明提昶等自稱留後遣使奉貢上曰黎桓不義而得公蘊尤而效之甚可惡也然以蠻俗不足責遂用桓故事授公蘊檢校太傅節度都護御史大夫上柱國交趾郡王實封功臣號後加同平章事開府儀同三司又官其進奉使其後或間歲或仍歲以方物入貢天禧中進封南平郡王檢校太尉仁宗即位入貢加檢校太師天聖六年卒子德政遣使告哀詔命使弔祭贈公蘊侍中南越王授德政襲爵明道初加同平章事景祐初部人陳公求等六百餘人內附德政遣兵

十餘境上捕逐之詔遣還仍詔德政母輒誅殺尋遣使入貢加檢校太師三年其甲峒及諒州門州蘇茂州廣源州太發峒丹波縣等蠻寇邕州之思陵州西平州石西州及諸峒略居人馬牛焚室廬而去下詔責問且今捕酋首正其罪以聞寶元元年進封南平王康定元年慶曆三年六年七月俱遣使入貢詔官其貢使初德政發兵取占城朝廷疑其內蓄姦謀乃訪自唐以來所通道路凡十六處令轉運使杜杞度其要害而戍守之然其後亦未嘗寇邊前後累貢馴象皇祐二年邕州誘其蘇茂州韋紹嗣紹欽等三千餘人入居省地德政表求所誘詔盡還之仍令德政約束邊戶毋得侵犯其後儂智高反德政率兵二萬由水路欲入助王師朝廷優賜而却其兵至和二年德政卒子曰尊遣人告哀詔遣使弔祭贈官及命日尊世襲如故事嘉祐三年貢異獸四年寇欽州思原管五年與申洞賊寇邕州詔知桂州蕭因轉運使宋咸提刑李師中同議掩擊又詔安撫使余靖等發兵討捕靖遣謀誘占城同廣南兩路兵甲趨交趾日尊惶怖上表待罪詔未得舉兵聽其貢奉八年入貢四月以仁宗皇帝遺留物賜日尊加同平章事神宗即位進封南平王加開府儀同三司二年表言占城國久缺貢臣親帥兵討之虜其王詔官其使自是日尊自帝其國僭稱法天應運崇仁至道慶成龍祥英武睿文尊德聖神皇帝尊公蘊為太祖神武皇帝國號大越偽改元寶象又改神武五年日尊卒子乾德嗣來告哀詔遣使弔贈授乾德襲封如故乾德幼母黎氏號太妃與宦人李尚吉同主國事於是知桂州沈起籍溪峒丁為王氏檀納知恩倩州儂善美於內地帝慮其妄發以激蠻禍亟罷之代以劉彝乾德乞還善美并其屬民七百人許彝又言廣源州劉紀以

兵略邕管歸化州僕智會率其子進安逆戰有功詔授進安供奉
官初廣西屯北兵二十指揮交人畏之尋奏罷正兵而用槍仗手
分戍聽偏校言以為安南可取大治戈船交人來互市率皆過絕
表疏上訴亦不得通八年冬遂分三道入寇一自欽州一自廣府
一自崑崙關連陷欽連二州庶士丁八十守城皆驅令負擔登舟
已而盡殺之又陷邕州殺守將蘇緘屠其民五萬餘口詔以趙高
為安南道行營都總管經略招討使李憲為副使帥大軍南征尋
罷憲而以宣徽南院使郭逵為招討使改高副之九年十二月破
蠻決里隘次富良江蠻以精兵乘船逆戰逵擊破之殺其王子洪
真乾德懼遣使奉表詣軍門納款富良去其國不遠逵不敢度官
軍八萬死者什六得其廣源州門州思浪州蘇茂州及机柳縣而
還逵高皆得罪詔改廣源為順州命西上閣門使陶弼知州事餘
皆即用其酋長乾德之再脩職貢還所奪州縣詔報之曰卿撫有
南交世受王爵而乃背德姦命切暴邊城棄祖考忠順之圖煩朝
廷討伐之舉師行衆入勢蹙始歸迹其罪尤在所絀削今遣使脩
貢上章致恭詳觀詞情灼見悛悔朕撫綏萬國不異邇遐但以邕
欽廉之民遷劫炎陬久失鄉井俟盡送還省界即以廣源等賜交
州乾順初約婦三州官吏千入久之才送民二百二十一口男子
年十五以上皆刺額曰天子兵二十以上曰投南朝婦人刺左手
曰官客以舟載之而泥其戶牖中設燭燭日行一二十里則止而
偽作更鼓以報凡數月乃至蓋以給示海道之遠也順州落南深
置戍鎮守被暹瘴霧多病沒陶弼亦終於官朝廷知其無用乃悉
以四州一縣還之然廣源舊隸邕管羈縻本非交趾所有也元豐
五年獻馴象二犀角象齒百六年以追捕僕智會為辭犯歸化州

又遣其臣黎文盛來廣西辨理順安歸化境界經畧熊本遣左江
巡檢成卓與議文盛稱陪臣不敢爭執詔以文盛能遵乾德恭順
之意賜之袍帶及絹五百匹仍以八隘之外保樂六縣宿桑又峒
予乾德 哲宗立加同中書門下平章事元祐中又數上表求勿
惡勿陽峒地詔不許二年遣使入貢進封南平王 徽宗時累加
開府儀同三司檢校太師大觀初貢使至京乞市書籍有司言法
不許詔嘉其慕義除禁書卜筮陰陽曆筭術數兵書敕令時務邊
機地里外餘書許買政和末又詔以交人自熙寧以來全不生事
特寬和市之禁宣和元年加乾德守司空建炎元年乾德上表乞
禁本道邊兵逃入省地詔令廣西經畧司約束四年入貢邊事未
寧免使人詣闕所進方物除華靡不受餘就界所交從本路提刑
司依例計價回賜其表述進令學士院降勅書回荅自後每遇入
貢即行之紹興二年乾德卒子陽煥立八年陽煥卒子天祚立俱
遣使弔祭贈官襲封如故事九年廣西帥司言乾德有側室子奔
入大理改姓趙名智之自號南平王知陽煥死大理遣還欲與天
祚爭位天祚與之敵又聞趙智之欲進奉借兵見已說諭約四詔
却之自後貢奉不絕累加功臣號二十五年加檢校太師增食邑
尋宗即位加功臣號隆興二年遣使尹子思等入貢九年復遣入
貢自上即位每遣使來邊吏以聞諭使歸國至是懇忱備至上錄
其善意許焉至館於懷遠驛禮部以安南使久不至移文客省詢
訪土俗人物圖畫衣貌如舊制焉淳熙元年正月引見安南進奉
副使二年詔安南入貢禮意可嘉令有司討論賜國名典故以聞
於是特賜安南國名志南平王李天祚特授依前官封安南國王
仍加守謙功臣 上以天祚嗣位四十年故厚其禮封以安南國

焉舊日章奏行移止稱安南道加封之後浸自尊大文書稱國不
復可改矣押伴安南進奉梁衍言安南入貢所過州縣差夫數多
自靜江水路可至容州又自北流遵陸一百二十里至鬱林自鬱
林州水路可至廣州皆有回脚鹽船運鹽牛車可雇自廉航海一
日之程即交趾則從靜江而南二千餘里可不役一夫而辨詔逐
路帥臣詳其陳行既而尹子思等以為涉夏水溢乞依例由欽州
路以歸二年安南國請印以安南國王之印六字為文賜之其印
比附樞密尚書省印方二寸仍給牌皆以銅鑄塗金為飾三年賜
安南國曆日有司言天祚已薨其子未有封爵欲作賜安南國王
嗣子龍翰勅書從之四年授龍翰襲爵故事其王初立即封交
趾郡王久之進南平王死則贈侍中南越王時詞臣周必大行制
曰即樂國以肇封既從世襲極真王而錫命何待次升言不復封
郡王蓋異禮也五年上表進方物稱謝九年廣西經畧司言安南
國已辦方物投進上曰象乃無用之物經由道路重擾吾民卻不
受其入貢之物十受一光宗登極經略司言安南國脩葺表備備
土宜貢賀詔受一分於界首交割本司言紹興中壽皇登極貢物
盡行收受今若止受十一之數却恐本國致疑禮部勘當如隆興
例全受不回賜寧宗嗣位依例賜器幣加食邑功臣號嘉定五年
龍翰薨詔遣弔祭贈官如故事以子吳昂襲封其爵位給賜如龍
翰始封之制自李公蘊篡奪之後至吳昂傳八世其名曰日曰乾
曰陽曰天曰龍皆有僭上之意而累朝以其僻在海隅不復與較
也

石湖范氏桂海虞衡志曰今安南國地接吳九真曰南諸郡及
唐羅愛等州東南薄海接占城占城林邑也東海路通欽廉西

出諸蠻西北通邕州在邕州東南隅去左江太平寨最近自寨
正南行至梳榔花步渡富良白藤兩江四程可至又自寨東南
行過丹特囉小江自諒州入六程可至自右江溫潤寨則最遠
由欽州渡海一日至歷代為郡縣國朝遂在化外丁氏黎氏李
氏代擅其地熙寧間乾德初立其大臣用事峽之叛八年遂入
寇陷邕欽廉三州朝廷命郭延等討之賊驅象拒戰官軍以大
刀斬象鼻象奔卻自蹂其徒大兵乘之賊潰乘勝拔梳榔縣知
縣交主之婿逃伏草間窺見王師獲賊孳食之以為天神歸報
其主曰苟可逃命子孫勿犯大朝大軍次富良江去都護府四
十里殺偽太子擒其大將乾德大懼奉表乞降會北兵多病瘴
乃詔赦交趾還其五州朝廷以達不能遂取交州黜為武衛上
將軍是役也調民夫八十七萬有奇金穀稱是迄無駿功大率

自端拱迄嘉祐以來兩江州洞數為蠻所侵軼潛舉以外鄉蘇
茂廣源甲洞等處入交趾者六十二村故至今長雉諸蠻乾德
死子陽煥立陽煥死乾德有遺腹子屬之占城奉而立之或云
有黎牟者乾德妻黨也嘗為李氏養子殺遺腹子而立冒姓李
氏名天祚實紹興九年其國人猶稱黎二十六年遣使入貢
朝廷因以李氏官爵命之天祚貌豐皙今生三十九年矣有兄
崑知諒州謀奪其位事覺流雪河州髡為浮屠凡與廣西帥司
及邕州通訊問用二黑漆板夾繫文書刻字於上板謂之木夾
文書稱安南都護府天祚不列銜而列其將佐數人皆僭官稱
有云金紫光祿大夫守中書侍郎同判都護府者其意似以都
護府如州郡簽廳也帥司邊州報其文書亦用木夾柱林掌故
有元祐熙寧間所藏舊案交人行移與今正同印文曰南越國

印近年乃更用中書門下之印中國之治畧荒遠邊吏又憚生
事例置不問由來非一日矣其國之官稱王宗族稱天王班凡
族稱承嗣餘稱支嗣有內職外職內職治民曰輔國太尉猶宰
相也左右郎司空左右郎相左右諫議大夫內侍負外郎以上
為內職外職治兵曰樞密使金吾太尉都領兵領兵使又有判
及同判安南都護府皆為外職仕者或科舉或任子或入質科
舉最貴工技奴婢之子孫不許應舉入質始為吏職再入質補
承信郎可累遷為知州在官者無俸給但付一方之民俾得役
屬耕魚以取利勝兵卸龍武勝龍翼蟬殿光武王階捧日保勝
等皆有左右每軍止二百人橫刺字於額曰天子兵又有雄畧
勇捷等九軍充給使如廂軍兵士月一錢更暇則耕種工藝自
給正月七日人給錢三百納絹布各一疋如紬綱而蒙之以綿
月給米十束以元日犒軍人得大禾飯一拌魚鮓數枚其地多
占米故以大禾為貴正月四日酋推牛饗其臣七月五日為大
節人相慶遣官僚以生口獻其酋翼日酋開宴醕之酋居樓四
層上以自居第二層御宙居之中人也第三層箇利就居之老
鈴下之屬也第四層軍士居之又有水晶宮天元殿等諸僭擬
名字門別有一樓猶榜曰安南都護府屋皆朱漆柱畫龍鶴仙
女交人無貴賤皆推髻跣足酋平居亦然但珥金簪衣黃衫紫
裙餘皆服盤領四裙皂衫不繫腰衫下繫皂裙珥銀鐵簪曳皮
履執鶴羽扇戴螺笠皮履以皮為底施小柱以拇指夾之而行
扇編鶴羽以辟蛇螺笠竹絲縷織狀如田螺最為工緻婦人多
髻與男子絕異好着綠寬袖直領皆以皂裙束之酋出入以人
執車貴僚坐幅布上裱大竹兩夫舁之名抵鴟歲時不供先病

不服藥夜不燃燈上巳日男女集會為行列結五色絲為毬歌而拋之謂之飛駝男文自成列文受駝男婚以定宮門有大鍾樓民訴事即撞鍾大辟或付仇家使甘心盜賊斫手足指逃亡斷手足謀叛者埋身土中露其頭旁植長竿挽竹繫其髻使其頸伸利錘一刻之其頭劍標竿杪客死境外鞭尸大罵以為背國土產生金及銀銅朱砂珠貝犀象翠羽車渠諸香及鹽漆吉貝之屬果惟有斗穉香圍檳榔扶留藤新舊縣隔一小江皆出香新州故真臘地侵得之不能造紙筆求之省地其人少通文墨閩人附海船往者必厚遇之因命之官浴以決事凡文移詭亂多自遊客出相傳其祖公蘊亦本閩人又其國土人極少半是省民南州客旅誘人作婢僕擔夫至州洞則縛而賣之一人取黃金二兩州洞轉賣入交趾取黃金三兩歲不下數百千人

有藝能者金倍之知文書者又倍面縛驅行仰繫其首俾不肯來路既出其國各認買主為奴終身省刺額上為四五字婦人刺胸乳至肋拘繫嚴酷逃亡必殺又有秀才僧道伎術又配隸亡命逃奔之者甚多不能鼓鑄泉貨純用中國小銅錢皆商旅賤而出者按掠賣婢奴與士人遊邊及透漏錢寶出外界三者法禁具在今抗弊如此蓋安撫都監沿邊溪洞司不得人邊政頽廢姦軌肆行所致日滋月長未艾也及邊吏多無財用植立竊斗升藹土苟活待盡而已何暇顧邊防國事者宜痛心疾首焉然交人自熙寧敗降後亦不復敢猖獗南陲莫挑且百年紹興十二年妖人譚友諒竄入恩浪州詐稱奉使諭下州洞天祚大愁已而帥司檄安南捕友諒邕州又以為官告招之友諒與歸順首領二十餘人各奉其銅印地圖土物詣橫山知邕州趙

悉縛友諒赴帥司斬之首領悉送還安南皆死交趾安居至今
無議之者乾道八年春上言願朝賀聖主登極詔廣西經畧司
貢使來者免至廷方物受什一其秋復有詔下經畧司買馴象
十以備郊祀鹵簿經畧李德遠浩用木夾事移交趾買之蠻報
不願賣願以備貢明年春余至官屢引前詔卻其貢祀期寢近
朝命督象若星火蠻復款塞六象及方物將至塞下若不許貢
皆引歸小蕃寧敢與朝廷為市余以其狀聞且移書時相謂欲
卻其貢併象勿須可也祀以一純二精寧之此俄有金字牌卜
差官押伴至闕比及桂林已秋末以十象為賀登極綱五象為
進奉大禮綱表字如蠅頭僅可見其象飾禮物則有金御乘象
羅我羅我如鞍架之狀及金裝象牙鞘金象額金銀裏象鈎連
同心帶金間銀裝象額金銀裝朱纏象藤條金鍍銅裝象腳鈴
裝象銅鐸連鐵索御乘象繡坐蓐裝象犖牛花朶御乘象朱梯
御羅我同心龍頭帶等餘物則有金銀鈿羅沉水香等大使稱
中衛大夫尹子思正使承議郎李邦正副使忠翊郎阮文獻其
下有職員書狀官都衙通引知客監綱孔目行首押衙教練象
公長行防授官之屬此等入朝則稍更其服器使者幘頭靴笏
紅鞋金帶犀帶每夸以金箱之又以香膏沐髮如漆裏細摺烏
紗巾足加履韞使者乘涼轎釘較髹漆甚飾蓋得至中國盡變
椎髻徒跣抵鴉之制先是紹興二十六年嘗入貢參知政事施
公大任帥桂循舊例以刺字報謁且用行厨宴於其館余悉罷
之使者私謂衙校曰施參政惠顧厚今柰何悉罷去余使人諭
之曰經畧使司與安南都護府埒經畧使與南平王比肩使者
是都護府小官纔與桂林曹掾官比法當廷參不然不見也使

文獻通考卷之三百三十
四裔考
者屈伏遂廷參其歸也至欲列拜余使人掖之曰免拜余奏其事且著于籍以為定制又辨今安南非古交趾已見輿地攷

文獻通考卷之三百三十

文獻通考卷之三百三十一

鄱陽 馬 端臨 貴與



四裔考

南丹州蠻

南丹州蠻亦溪洞之種其地與宜州接宋開寶七年酋帥莫洪贊遣使奉表求內附九年復來貢求賜牌印詔刻印以給之太平興國五年貢銀百兩賀平太原雍熙四年洪贊族人莫淮閩以河池縣知縣余承鑒取其牛怒而劫掠誘群蠻為寇詔誅承鑒以知宜州侯汀失於備禦免官發諸州兵進討未至而蠻已遁詔拊諭之自是不復寇淳化元年洪贊卒其子洪皓襲稱刺史遣使入貢上降優詔賜綵自洪贊領州十餘年歲輸白金百兩洪皓襲兄位專地利不修常貢其弟洪玩忿之挈妻子來奔宜州洪皓數引兵攻

洪玩乃乘傳詣闕訴其事請發兵致討上以其蠻夷但羈縻而已不欲為之興師報怨洪玩先自稱南丹州副使以為邵州團練副使給田十頃下詔戒勅洪皓景德二年洪皓死長子淮勅襲父任俄為其弟淮迪所逐遂以淮迪知南丹州淮勅帥屬來奔詔宜州賜閑田資給之太中祥符九年討撫水蠻詔淮迪約勒溪峒勿從誘脅明年平撫水蠻淮迪等以勞進秩景祐三年淮迪老自言願傳其子世漸至和元年命世漸為檢校散騎常侍權發遣州事明年以淮迪為懷遠大將軍致仕世漸為刺史檢校功部尚書賜袍帶錢十萬緡百疋又補其親黨數十人為檢校官如故事也世漸死嘉祐末命其子公帳襲之有世忍者亦淮迪子也初率其屬入內附治平初逃歸攻殺公帳奪其地自守請於朝廷願授刺史補其親黨如故事歲輸銀百兩三命遂命為刺史皆如其請熙寧二

年授世忍檢校禮部尚書元豐三年入貢其印以西南諸道武盛軍德政官家天國主為文詔以南丹州印賜之令毀其舊印六年遷檢校戶部尚書官其子必九人世忍死子公伎襲大觀元年廣西經略使王祖道言公伎就擒進築平允從州收文地蘭那安外習南丹八州之地併為鎮庭孚觀州延德軍以其弟公晟襲刺史宣和四年公晟乞以州事傳其姪延豐願與其子歸朝詔從之仍乘驛給券紹興三年廣西經略安撫劉亮適言南丹公莫公晟領賊圍打觀州燒毀寶積監宰臣朱勝非奏此皆是崇觀及宣和以來所開新邊近來往往棄而不守如觀州屢下本路帥臣監司相度皆以為所據控扼不且棄之上曰前日用事之臣貪功生事公為欺罔其實勞民費財使遠俗不安也彥適又言公晟自添差路分鈐轄逃去後未曾差官乞先與一職名欲於邊郡下添入知南

舟州兼溪峒都巡檢使提舉盜賊公事舊賜南丹州刺史印記今依舊行使從之而公晟未出受命至二十四年廣西經略安撫司言愿忠言莫公晟進馬與諸蠻首領並皆歸順令公晟守本官致仕以其子延沈承襲上諭輔臣曰得南丹州非以廣地但徭人不作過百姓安業可喜於是延沈承襲銀青光祿大夫檢校太子賓客使持節南丹州諸軍事南丹州刺史兼御史大夫知南丹州公事武騎尉愿忠又奏說諭到諸蠻三十一種族計二十七州一百三十五縣四十寨一鎮三十二團一百七十九峒皆納欵面內乞作羈縻州縣實為熙朝盛事明年又加延沈團練防禦使三十一年廣西諸司言莫延沈恣行慘酷為諸蠻迫逐歸投省地而死衆共推莫延稟承襲知南丹州詔依例補授官孝宗龍興初延稟以諸蠻謀害携家歸朝廷延甚管州事經略司保奏以聞詔延甚承襲知南丹州淳熙元年南丹州為永樂州所攻使來告急廣西帥差官齎旗榜往二州說諭聽從和解十四年經略司奏莫延蔭乞承襲延甚官爵詔從之寧宗嘉定五年詔以莫延蔭男莫光照承襲知南丹州從經略司所請也

石湖范氏桂海虞衡志曰南丹在宜州西境地產奇材異藥惡獸毒虺其人剽悍以勁木為弩聚毒傳矢中人立死宜之高峰寨古觀州也與南丹接境地勢極高南丹對境亦高二壘矢可相及南丹日通市於高峰少不如意則怨毒思亂其首莫氏國朝命為刺史月支鹽料及守臣供給錢百五十千此內郡自號莫大王間入宜州則禮之以列郡來已數十年矣其說以謂宜州徼外西原黃洞武陽群小蠻即唐黃家賊之地崇建舟使控制之然莫氏家人亦時自相攻剽今刺史莫延甚逐其弟延稟

而自立延廩奔朝廷謂之出宋九州洞歸明延善淫酷不能服其類隣永樂州玉氏與為仇歲相攻乾道丁亥與玉氏戰敗告急於帥司帥司遣官為和解永樂益淬勵有勝兵萬人志滅莫氏延善乃益驕不奉法至私刻經畧安撫司及宜州溪洞司印效帥守花書行移以嚇諸蕃落已丑歲自言州去產馬蠻不遠願興國賣馬乞於宜州置場意欲藉朝廷任使威制永樂邊將常恭與交通至為代作奏章至闕下不經由帥司樞密院是其說差官置司宜州余論奏宜州密邇內地無故通道諸蠻且開邊隙不敢奉詔且自行在所捕得常恭囚而劾奏其事朝廷大悟削籍竄之九江永不放還外有省民冒法商販入南丹受其帖牒至內地幹事者多柱之興安人余亦物色得其渠送獄論如法南丹稍戢

撫水蠻

撫水蠻在宜州南有縣四曰撫水曰京水曰多連曰古勞唐隸黔南其酋皆蒙姓同出有中下三房民則有區廖潘吳四姓亦種水田採魚其保聚山險者雖畚田收穀粟甚少但以藥箭射生取鳥獸盡即徙他處無羊馬桑柘地曰帚洞五十里至前村川原稍平合五百餘家夾龍江居種稻似湖湘中有樓臺戰棚衛以竹柵即其酋所居兵器有環刀標牌木弩善為藥箭中者大叫信宿死得邕藥解之即活宋雍熙中數寇邊境掠取民口畜產詔書招安補其酋蒙令地殿直蒙令札奉職咸平中又數為寇盜止令邊臣驅逐出境其黨狡獪者凡三十餘人宜州守將因檢送闕下上召見詰責之對曰臣等蠻陬小民為饑寒所迫耳上顧謂左右曰昨不欲盡令殺戮顧無噍類矣因釋罪賜錦袍冠帶銀絲戒勗遣還

逾年酋長蒙頂等六十五人詣闕納器甲百七十事又蒙漢誠蒙
度璋家偵來朝上器甲數百及毒箭藥誓不搔邊比歲皆遣使來
貢及輸兵器乃授漢誠官賜物有差既而侵軼如故大中祥符九
年數寇宜融州界詔以知宜州董元巳不善撫綏黜之仍行招撫
群蠻拒命侵掠不已乃命平州刺史曹克明領兵討之傷殺甚衆
蠻逃竄窮蹙酋帥蒙承貴等面縛詣軍自首悉還所掠漢口資畜
軟血立誓不敢復叛乃還師詔以撫水州為安化州撫水縣為歸
仁縣京水縣為長寧縣自是間歲朝貢不復為邊患寶元元年寇
宜融等州發兵討之踰年乃定慶曆嘉祐間再入貢其後首領月
赴宜州參謁及賀臣板每歲州四管搗及三歲聽輸所貢兵械於
思立寨以其直償之逆以官資遷補熙寧初知宜州錢思孟等擅
裁損侵削之土人羅世念等為亂攻殺寨官詔遣兵討之未入境

明年世念等率其徒來降各拜官崇寧三年復嘯聚為寇經略司
遣兵擊却之大觀二年以三州一鎮戶口六萬一千來止詔知融
州程鄰往黔南路撫諭官吏推恩有差紹興三年蠻酋蒙全劔等
寇掠省地詔帥司討平之二十九年詔加安化上州蒙自臨等七
人官勲及賜錢帛有差孝宗淳熙十一年以知宜州馬寧祖滅刻
蠻人生料錢鹽致令犯邊降一官十二年廣西經畧司言蠻人出
犯省地多用強弩藥箭本路造木弩五十架給付兩路踏射并造
藥箭備用詔常切閱習

石湖范氏桂海虞衡志曰安化州最驚悍在宜州西境官月給
生料鹽以拊之猶日侵省地以耕民不敢與爭州亦不敢禁頃
有凌羅一將者建炎間嘗率峒兵出勤王賊曹成入廣西建大
旗購二人二人遣健女侏儒者數十輩截髮為牧童候成兵過

自牛背曠弩以毒矢射之中者立死成驚懼遁去時盜滿四方
廣西獨晏然者二將之力也至今南人稱之子孫有仕於州縣
者

黎峒

黎峒唐故瓊管之地在大海南距雷州泛海一日而至其地有黎
毋山黎人君焉舊說五嶺之南人雜夷獠朱崖環海豪富兼并役
厲貧弱婦人服緦縵績木皮為布陶土為釜器用瓠瓢人飲石汁
又有椒酒以安石榴花着甕中即成酒俗呼山嶺為黎居其間者
號曰黎人弓乃未嘗去手弓以竹為弦今儋崖萬安皆與黎為境
其服屬州者為熟黎其居山峒無征徭者為生黎時出與郡人互
市米至和初有黎人符護者邊吏嘗獲其奴婢十人還之符護亦
嘗犯邊執瓊崖州巡檢慕容允則及軍士至是以軍士五十六人

與允則來歸允則道病死詔軍士至是貸其罪紹興三十年廣西
運判鄧酢言黎州王文滿結連西峒王承聞等攻破定南寨後復
犯省地遂分遣官燒蕩巢穴生擒黎賊王用賓等詔今廣西諸司
撫存歸業人戶乾道二年廣西經略轉運司言欲下瓊管及三軍
守悴措置說諭黎人示以朝廷德意威命使之自新退復省地能
說諭收復者量功立賞任內有侵犯省地或逃失省民亦重責罰
其先省民逃居黎洞之人守臣招透復鄉蠲其逋稅詔從之六年
黎人王用休犯邊萬安權守巡檢孫滋等招諭之遂定九年樂昌
縣黎賊劫省民焚官舍瓊管安撫請於朝黎人王用存王承福陳
頤等招降復寨有功借補官資彈壓邊面義兵統制黃文廣屢戰
有功並欲推賞以澄邁縣巡檢權移駐筍樂昌縣控制黎人其省
民父陷歸業蠲賦已責從之淳熙元年詔承節郎王日存等許子

孫承襲以瓊州言其祖父居蔭元繫入貢又自宣和以來能無論
諸黎彈壓有勞也八年六月瓊管司言承襲宜人三十六峒統領
王氏稱其祖本化外州皇祐熙寧間歸順彈壓三十六峒捍禦隘
口正繫瓊管咽喉之地三世受朝廷告命至母黃氏承襲彈壓邊
界用寧紹興間又說諭化外黎人各安生業莫肯從亂乾道七年
受告封宜人今年老無男有一女欲依例承襲詔王氏襲其後又
以王氏之姪黃間補官守寨彈壓黎峒嘉定九年詔復許宜人王
氏吳氏承襲

石湖范氏桂海虞衡志曰黎海南四郡鴻土蠻也鴻直雷州由
徐聞渡半日至鴻之中有黎母山諸蠻環居四傍號黎人內為
生黎外為熟黎山極高常在霧靄中黎人自鮮識之久晴海氛
清廓時或見羣尖浮半空下猶洪濛也山水分流四郡熟黎所

居已阻深生黎之巢外人不復迹黎母之類則雖生黎亦不能
至相傳其上有人壽考逸樂不與世接虎豹守險無路可攀但
覺水泉甘美絕異爾蠻去省地遠不供賦役者名生黎耕作省
地供賦役者名熟黎各以所邇分隸四郡皆椎髻跣足挿銀銅
鋤釵腰繚花布執長靴刀長鞘弓長荷槍跣步不捨去熟黎能
漢語變服入州縣墟市日晚鳴角結隊以歸婦人繡面高髻釵
上加銅環耳墜垂肩衣裙皆五色吉貝無袴襦但繫裙數重製
四圍合縫以足穿而繫之群浴於川先去上衣自濯乃濯足漸
升其裙至頂以身串入水浴已則裙復自頂而下身亦出水繡
面乃其吉禮文年將及笄置酒會親屬女伴自施針筆涅為極
細蟲蛾花卉而以淡粟紋徧其餘地謂之繡面女婢獲則否女
工紡織得中國絲帛拆取色絲和吉貝織花所謂黎錦黎單及

鞍搭之類精粗有差居處架木兩重上以自居下以畜牧婚姻
折箭為定聚會亦雜鼓舞歌親死不哭不粥飯惟食生牛肉以
為哀痛之至葬則昇襯而行令一人前行以雞子擲地雞子不
破處即為吉穴客來未相識主人先於隙間窺之客儼然矜莊
始遣奴布席於地客即坐又移時主人乃出對坐不交一談少
焉置酒先以惡臭穢味宰客客食不疑則喜繼設中酒逐相親
否則遣客不復與交會飲未嘗捨刀三杯後各請地備雞解器
械猶置身傍也一語不相能則起而相戕性喜雞殺謂人捉物
所親為人所殺後見仇家人及其洞中種類皆擒取以荔支木
械之要牛酒銀餅乃釋謂之贖命土產沉水蓬萊諸香漫山悉
檳榔椰子木亦產小馬翠羽黃蠟之屬與省地商人博易甚有
信而不受欺給商人信則相與如至親借貸有所不吝歲望
其一來不來則數數念之或負約不至自一錢以上雖數十年
後其同郡人擒之以為質枷其項關以橫木俟前負者來償乃
釋負者或遠或死無辜被繫累歲月至死乃已復伺其同郡人
來亦枷繫之被繫家人往負債之家痛詬責償或鄉黨率飲為
償始解凡負錢一緡次年倍責兩緡倍至十年乃止本負一緡
十年為千緡以故人不取負其一錢客或誤殺其一雞則鳴鼓
告衆責償曰某客殺我一雞當償一闔一闔者雌雄各一也一
雄為錢三十一雌五十一闔每生十子五為雄五為雌一歲四
產十雞併種當為六闔六闔當生六十雞以此倍計展轉十年
乃已誤殺其一雞雖富商亦償不足客其家無敢損動其一毫
闔商值風水蕩去其貲多入叅地耕種不歸官吏及省民經由
村洞必舍其家恃以安熟叅之地始是州縣大抵四郡各占隲

之一陸其中熱地不可得亦無路通朱崖在隴南陸既不可取
徑則復得海循隴而南所謂再陟鯨波也四郡之人多黎姓蓋
其裔族而今黎人乃多姓王生黎質直犷悍不受欺觸不服王
化亦不出為人患熱黎貪狡湖廣福建之姦民亡命雜焉侵軼
省界常為四郡患有王二娘者瓊州熱黎之首有夫而名不聞
家饒財善用衆能制服群黎朝廷封宜人瓊管有號令必下王
宜人無不帖然二娘死女能繼之其餘三郡強名小壘實不及
江浙間一村落縣邑或為黎人據其廳事治所遣人說謝始得
遷前後邊吏端不敢言淳熙元年十月拍山生黎洞首王仲期
率其傍人十洞丁口千八百二十歸化仲期與諸洞首王仲文
等八十一人詣瓊管司瓊管司受之以例詣顯應廟研石軟血
約誓改過不復鈇掠犒賜遣歸瓊守圖其形狀衣製上經略司
譽露者以絳帛約髻根或以絲帛包髻或戴小花笠皆簪二銀
兒或加雉尾衣花識短衫繫花襪裙悉跣足是其甚飾也惟王
君則青布紅錦袍束帶麻鞋自云祖父宣和中嘗納土補官賜
錦袍云

海南序略

海南諸國漢時通焉太抵在交州南及西南居大海中洲上相去
或三五百里三五千里遠者二三萬里乘舶舉帆道理不可詳知
外國諸書雖言里數又非定實也其西與諸湖國接元豐中遣伏
波將軍路博德開百越置日南郡其徼外國自武帝以來嘗獻見
後漢相帝時大秦天竺皆由此道遣使貢獻及吳孫權遣宣化從
事朱應中郎康泰使諸國其所經及傳聞則有百數十國因立記
傳晉代通中國者蓋數及宋齊至者有十餘國自梁武隋煬諸國

使至踰於前代至唐貞觀以後聲教遠被自古未通者重譯而至又多梁隋焉其無異聞亦不復更記

黃支

黃支國漢時通焉合海日南之南三萬里俗略與珠崖相類自武帝以來皆獻見有明珠玉璧琉璃奇石異物大珠至圍二十寸以下而至圓者置之平地終日不停

哥羅

哥羅國漢時聞焉在槃槃東南亦曰哥羅富沙羅國云其王姓矢利婆羅名米失鉢羅其治城累石為之城有樓闕門有禁宮室覆之以草國有二十四州而無縣庭列儀仗有燻以孔雀羽飾焉兵器有弓箭刀稍皮甲征伐皆乘象一隊有象百頭每象有百人衛之象鞍有鈎欄之中有四人一人執稍一人執弓矢一人執戈一人執刀賦稅人出銀一鉢國無蠶絲麻紵推吉貝布畜有牛少馬其俗非有官者不得上髮囊頭又嫁娶初問婚惟以檳榔為禮多者至二百盤成婚時唯以黃金為財多者至二百兩婦人嫁訖則從夫姓音樂有琵琶橫笛銅鼓鐵鼓簧吹蠡擊鼓死亡則焚苑盛以金甕沉之大海

林邑

林邑國秦象郡林邑縣地漢為象林縣屬日南郡古越裳之界也在交趾南海行三十里其地縱廣可六百里去日南界四百餘里其南水步道二千餘里有西屠夷亦稱王焉馬援所植兩銅柱表漢界處也馬援北還留十餘戶於銅柱處至隋有三百餘戶悉姓其處林邑國記馬援柱兩銅柱於象林南界與西屠夷國分漢之南境又云銅柱山周十里形如倚蓋西跨重巖東臨大海辰繆道里記又云林邑大浦後漢末大亂縣功曹姓區有子曰連殺縣令自口有五銅柱焉

號為王子孫相承吳時通使其後王無嗣外孫范熊代立熊死子
 逸代立其國有金山石皆赤色其中生金金夜則出飛狀如螢火
 又出璆瑁貝齒古貝沉木香古貝者樹名也其華成時如鵝毛抽
 以績紡作布縞白與紵布不殊亦染成五色織為班布也沉香者
 土人破斷之積以歲年朽爛而心節獨在置水中則沉故曰沉香
 次不沉者曰棧香也又出猩猩獸爾雅曰肉之美者猩猩之唇多琥珀松脂淪
 入地千歲為茯苓又千歲為琥珀又云楓脂為之琥珀在地其上
 及傍不生草木深者或八九尺大如斛削去皮成烏初如桃膠凝
 成乃堅其金寶物產大抵與交趾同以博為城蜃灰塗之居處為
 閣名曰千蘭皆開北戶以向日或東西無定尊官有二其一曰西
 郡婆帝其二曰薩婆地歌其屬官三等其一曰倫多姓次歌倫致
 帝次一地伽蘭外官分為二百餘部其長官曰弗羅次曰阿倫如
 牧宰之差也書樹葉為紙施椰葉為席男女皆以橫幅古貝繞腰
 以下謂之干漫穿耳貫小環貴者著華履賤者跣行自林邑扶南
 諸國皆然也其王戴金花冠形如章甫如纓珞出則乘象吹螺擊
 鼓罩古貝繖以古貝為幟旗國不設刑法有罪者使象蹋殺之林
 邑浦外有不勞山罪人亦送此山令其自死其大姓號婆羅門嫁
 娶必用八月女先求男由貴男而賤女也同姓還相婚姻人性凶
 悍果於戰鬥有弓箭刀槊以竹為弩樂有瑟笛琵琶五弦頗與中
 國同每擊鼓以警眾吹蠡以節戎其人深目高鼻髮拳色黑婦人
 推髻四時暄暖無霜雪王死七日而葬有官者三日庶人一日皆
 以函盛屍鼓舞導從輦至水次積薪焚之收餘骨王則內金甕中
 沉之於海有官者以銅沉之海口庶人以瓦送之於江男女截髮
 隨喪至水次盡哀而止有寡婦孤居散髮至老人皆奉釋法文字

同於天竺王事尼乾道鑄金銀人像大十圍至晉武帝太康中又

來貢獻成帝咸康二年逸死奴文篡位奴文昔嘗北至洛陽商貨

因教王作宮室兵車器械王愛信之使為將乃請王諸子或徙或

奔及王死無嗣遂自立為王乃攻旁國并有眾四五萬至穆帝末

和三年文率其眾攻陷日南今郡遂據其地告交州刺史朱蕃州

南今安南日求以日南北郡橫山為界初徵外諸國掌齋寶物自海

路來賀貨賄而交州刺史日南太守多貪利侵侮十折二三由是

諸國怨憤且林邑少田故貪日南之地文又襲九真今郡害士庶

十八九文死子佛立猶屯日南九真太守灌邃率兵討佛走之遂

追至林邑時五月立表日在表北影在表南九寸一分自此影之

南故開北戶以向日此大較也佛乃請降其後頗寇日南九德之

郡今安南日殺傷甚多交州遂至虛弱至佛曾孫文敵後為扶南

王子當根純所殺大臣范諸農平其亂而立為王死子陽邁立死

子咄復名曰陽邁初其父陽邁母始產夢人以金箱之夷人宋文

帝元嘉中侵暴日南九德諸郡宋九德郡今安南宋使振武將軍元

幹討之尅林邑陽邁父子並挺身奔逃所獲珍異皆是未名之寶

又銷其金人得黃金數十萬斤其後累代自宋齊梁陳皆遣使朝

貢隋文帝既平陳後遣大將軍劉方步騎萬餘人擊之其王梵志

率其徒乘象而戰方多掘小坑草覆其上因以兵挑之梵志悉眾

而陣方偽北走梵志逐之其象多陷轉相驚駭軍遂亂方縱兵擊

大破之遂棄城而走方入其都獲其廟主十八枚皆鑄金為之蓋

其有國十八葉矣方既平其國班師坎地遂空梵志收合遺人別

建國邑唐武德中再遣使貢方物貞觀時王頹黎獻馴象鏐鎖五

色帶朝霞大火珠其言不恭群臣請問罪帝赦不問又獻五色鸚

鵡

文獻卷三百廿一
四裔考
十一
鷓鴣數訴寒有詔還之頭黎死子鎮龍立獻通天犀維寶十
九年摩訶慢多加獨弒鎮龍滅其宗范姓絕國人立頭黎塔婆羅
門為王大臣共廢之更立頭黎文為王諸葛地者頭黎之姑子父
得罪奔真蠟女王不能定國大臣共迎諸葛地為王妻以女末徽
至天寶三入獻韋獻火環大如雞卵狀如水晶日正午至德復更
號環王元和初不朝獻安南都護張舟執其偽驩愛州都督斬三
萬級虜王子五十九獲戰船鎗

扶南

扶南國在日南郡之南海西大島中去日南可七千里在林邑西
南三千餘里其境廣袤三千餘里國俗本裸文身被髮裸即不制
衣裳其先有女人為主號曰柳葉年少壯健有似男子其南有激
國人名混潰來伐柳葉降之遂以為妻惡其裸露形體乃穿疊布
貫其首理其國子孫相傳至王混盤况死國人立其大將范師曼
為王蔓勇健有權略以兵威伐傍國咸服屬之自號扶南大王開
地五六千里蔓死國亂大將范尋自立為王是吳晉時也土物坳
下而平博氣候風俗物產大較與林邑同有城邑宮室國王居重
閣以木柵為城海邊生大若葉長八九尺編其葉以覆屋國人亦
為閣居為船八九丈廣繞六七尺頭尾似魚國王行乘象人皆醜
黑拳髮裸身跣行耕種為務一歲種三歲獲又好凋文刻鏤食器
多以銀為之出金鋼可以刻玉狀似紫石英其所生乃在百丈水
底盤石上如鍾乳人沒水取之竟日乃出以鐵鏈之而不傷鐵乃
自損以殺羊角扣之漼然冰泮貢賦以金銀珠香亦有書記府庫
文字類胡吳時遣康泰朱應使於尋國國人猶裸唯婦人着貫頭
泰應謂曰國中實佳但人藝露可恠耳尋始令國內男子著橫幅

今干漫也大家乃截錦為之貧者以布又有老鵝入海為玳瑁可以
裁作馬勒謂之珂西晉太始本康中皆遣使貢獻東晉時有竺旃
檀稱王亦遣使其後王姓憍陳如本天竺婆羅門也有神語曰應
王扶南憍陳如南至盤盤扶南人聞之迎而立焉後改制度用天
竺法今其國人居不穿井數十家共一池引汲之俗事天神以銅
為像二面者四手四面者八手手各有所持或小兒或鳥獸或日
月王坐則禡踞翹膝垂左膝至地以白疊敷前設金盆香爐於其
上居喪則剃除鬢髮人無禮義男女恣其奔隨宋齊梁並獻方物
隋時其國王姓古龍諸國多姓古龍訃耆老言崑崙無姓氏乃崑
崙之訛隋代遣使貢獻唐武德後頗來貢貞觀中又獻白頭國二
人於洛陽其國在扶南之西在參半之西南男女生皆素首身又
疑白居山洞之中四面巖嶮故人莫至與參半國相接

頗遜

頗遜國梁時聞焉典曰在海嶠山上地方千里王並羈屬扶南北
去扶南可三千餘里其國之東界通交州其西界接天竺安息徼
外諸國賈人多至其國市焉所以然頗遜迴入海中千餘里漲海
無涯岸舶未曾得逕過也其市東西交會日有萬餘人珍物寶貨
無種不有又有酒樹似安石榴採其花汁停酒甕中數日成酒出
馨香挿枝便生葉都梁以衰衣國有區撥等花十餘種冬夏不衰
日載數十車貨之其花燥更芬馥亦末為粉以傅身焉其俗又多
鳥葬將死親賓歌舞於郭外有鳥如鵝口鸚鵡而紅色飛來萬許
家人避之為食肉盡乃去燒其骨沉海中以為上行人也必生天
鳥若迴翔不食其人乃自悲復以為已有穢乃更就大葬以為次
行也若不能生入火又不被鳥食以為下行也

毗騫

毗騫國梁時聞焉在頹遜之外大海洲中去扶南八千里傳其王身長丈二尺頭長三尺自古來不死莫知其年其王神聖知將來事南方號曰長頭王國俗有室居衣服噉粳米其人言語小異扶南國不受估客有往者亦殺而噉之是以商旅不敢至王常樓居不血食不事鬼神其子孫生死如常人惟王不死又傳扶南東界即漲海海中有大洲洲上有諸薄國國東有馬五洲復東行漲海千餘里有燃火洲其上有樹生火中洲左近人剥取其皮紡績作布極得數尺以為手中與蕉麻無異而色微青黑而小有垢汚則投火復更精潔毗騫王亦能作天竺書書可三千言說其宿命所由與佛經相似並論善事

干陀利

干陀利國在南海洲上其俗與林邑扶南略同出斑布吉貝檳榔特精好為諸國之極宋孝武世王釋婆羅那鄰陀遣長史竺留施獻金銀寶器梁天監元年其王瞿曇修跋陀羅以四月八日夢一僧曰中國今有聖王十年之後佛法大興汝若遣使貢奉禮敬則土地豐樂商旅百倍若不信我則境土不得自安初未之信既而又夢此僧曰汝若不信我當與汝往觀乃於夢中至中國拜觀天子既覺心異之陀羅本工畫乃寫夢中所見武帝容質飾以丹青乃遣吏并畫工奉表獻玉盤等物使人既至摸寫帝形以還其國比本畫則符同焉因盛以寶函日加禮敬後跋陀死子毗針邪跋摩立十七年遣長史毗員跋摩奉表獻金芙蓉雜香藥等普通元年復遣獻方物

按干陀利王夢僧所言一段南史夷貊傳所載杜氏通典

削之蓋梁武好佛之志通于華夷適于陀利以其時入貢
佞臣黠僧遂立此說導之以納諂非事實也島夷朝貢不
過利於互市賜予豈真慕義而來諷以希旨宜無不可况
所謂瞿曇修跋陀羅者本佛之徒亦欲其教之行於中土
又安知其不自神其說以中帝之欲乎越裳氏所以賚武
王周公者梁武豈足以當之哉

狼牙脩國

狼牙脩國在南海中其界東西三十日行南北二十日行北去廣
州二萬四千里土氣物產與扶南略同偏多棧沉婆律香等其俗
男女皆袒而被髮以吉貝為干漫其王及貴臣乃加雲霞布覆脾
以金繩為絡帶金環貫耳女子則布以瓔珞繞身其國累墉為城
重門樓閣王出乘象有幡牒旗鼓軍白蓋兵衛甚嚴國人說立國

以來四百餘年後嗣衰弱王族有賢者國人歸向之王聞乃枷囚
執其鎖無故自斷王以為神不敢害乃逐出境遂奔天竺天竺妻
以長女俄而狼牙王死大臣迎還為王二十餘年死子娑伽達多
立梁天監十四年遣使阿撒多奉表

婆利國

婆利國在廣州東南海中洲上去廣州二月日行國界東西五十
日行南北二十日行有一百三十六聚土氣熱如中國之盛夏穀
一歲再熟草木常榮海出文螺紫貝有石名珥貝羅初采之柔軟
及刻削為物暴乾之遂大硬其國人披吉貝如帔及為都縵乃用
斑絲者以瓔珞繞身頭著金冠高尺餘形如弁綴以七寶之飾帶
金裝劍偏坐金高坐以銀蹬支足侍文皆為金花雜寶之飾或持
白牒拂及孔雀扇王出以象駕輿輿以雜香為之上施羽蓋珠簾

其導從吹螺擊鼓王姓憍陳如自古未通中國問其先及年數不能記自言白淨王未人即其國文梁天監十六年遣使奉表獻金席等普通三年其王頽伽復遣使珠智獻白鸚鵡青蟲堯璽瑠璃器吉貝螺杯雜香藥等數十種其國有舍利鳥通人言俗黑身朱髮而拳鷹爪獸牙穿耳傳璫以吉貝一幅繚于腰以夜為市自掩其面隋大業中又遣使入貢其王姓利利邪伽名護路那婆唐貞觀中又遣使朝貢其東即羅刹也與婆利同俗隋煬帝遣常駿使赤土遂通中國赤土西南入海得婆羅總章二年其王稱達鉢遣使者與環王使者偕朝環王南有珠柰者汎交趾海二月乃至與婆羅同俗貞觀二年使者上方物九年其崇使者入朝國居海南十二年僧高武令迦作鳩密四國使者朝貢僧高直水真臘西北與環王用俗其後鳩密王尸利鳩摩又與富那王尸利提婆跋摩等遣使來貢僧高等國永徽後為真臘所并

槃槃

槃槃國梁時通為在南海大洲中北與林邑隔小海自交州舩行四十日至其國其王曰楊栗寔音翹栗寔父曰楊德武連以上無得而紀百姓多緣水而居國無城皆豎木為柵王坐金龍牀每坐諸大人皆兩手交抱肩而跪反又其國多有婆羅門自天竺來就王乞財物王甚重之其大臣曰敦郎索濫次曰崑崙帝也次曰崑崙敦和胡次曰崑崙敦帝索其且其言崑崙古龍聲相近故或有謂為古龍者其在外城者曰那延猶中夏刺史縣令其矢以石為鏃稍則以鐵為刃有僧尼寺十所僧尼讀佛經皆肉食而不飲酒亦有道士寺一所道士不食酒肉讀阿脩羅王經其國不甚重之俗皆呼僧為比丘呼道士為貪宋元嘉孝建大明中並遣使

貢獻梁中大通元年四年其王使使奉表累送佛牙及畫塔并獻香物十種六年復遣使送菩提國舍利及畫塔圖并菩提樹葉齋糖等香隋大業中亦遣使朝貢

赤土國

赤土國扶南之別種也在南海中水行百餘日而達所都土色多赤因以為號東波羅刺國西婆羅娑國南訶羅旦國北拒大海地方數千里其王姓瞿曇氏名利富多塞不知有國遠近稱其父釋王位出家為道傳位於利富多塞在位十六年矣有三妻竝隣國女也君僧祇城有門三重相去各百許步每門圖畫菩薩飛仙之象懸金花鈴牝婦人數十人或奏樂或捧金花又飾四婦人容飾如佛塔邊金剛力士之狀夾門而立門外者持兵仗門內者執白拂夾道垂素網綴花王宮諸屋悉是重閣比戶北面而坐三重之

榻衣朝霞布冠金花冠垂雜寶纓珞四女手立侍左右兵衛百餘人王榻後作一木龕以金銀五香木雜鈿之龕後懸一金光焰夾榻又樹二金鏡鏡前竝陳金甕甕前各有金香爐當前置一金伏牛前樹一寶蓋蓋左右皆有寶扇婆羅門等數百人東西重行相向而坐其官薩陀加邏一人陀摩達又二人迦利密迦三人共堂政事俱羅末帝一人掌刑法每城置那邪迦一人鉢帝一人其俗皆穿耳翦髮無跪拜之禮以香油塗身其俗敬佛尤重婆羅門婦人作髻於項後男女通以朝霞朝雲雜色布為衣豪富之室恣意華靡唯金鏤非王賜不得服用每婚姻擇吉日女家先期五日作樂飲酒父執女手以授壻七日乃配既娶即分財別居唯幼子與父君父母兄弟死則剔髮素服就水上構竹木為棚棚內積薪以瓦置上燒香建幡吹蠶擊鼓以送火焚薪遂落於水貴賤皆同唯

國王燒訖收夾貯以金瓶藏於廟屋冬夏常濕雨多霽少種植無
時特宜稻稌白豆黑麻自餘物產多同於交趾以苾蔗作酒雜以
紫瓜根酒色黃赤味亦香美亦名椰漿為酒隋煬帝嗣位募能通
絕域者大業三年屯田主事常駿震部主事王君政等請使赤土
帝大悅遣齋物五千段以賜赤土王其年十月駿等自南海郡乘
舟晝夜二旬每日遇便風至焦石山而過東南詣陵伽鉢按多洲
西與林邑相對上神祠焉又南行至師子石白是島嶼連接又行
二三日西望見狼牙頂國之山於是南達雞籠島至於赤土之畛
其王遣婆羅門鳩摩羅以舶三十艘來迎吹蠡擊鼓樂隋使進金
鐻以纜船月鐻金合二枚貯香油金瓶八枚貯香水白疊布四條
以擬供使者盥洗其日未時那那迦又將象二頭持孔雀蓋以迎
使人并致金盤金花以藉詔函男女百人奏蠡鼓婆羅門二人導

路至王宮駿等奉詔書上閻王以下皆坐宣詔訖引駿等坐奏天
坐樂事畢駿等還館又遣婆羅門就館送食以草葉為盤其大方
丈因謂駿曰今是大國臣非復赤土國矣後數日請駿等入宴儀
衛導從如初見之禮王前設兩床床上並設草葉盤方一丈五尺
上有黃白紫赤四色之餅牛羊魚鼈猪蜻蛚之肉百餘品延駿升
床從者於地席各以金鍾置酒女樂迭奏禮遺甚厚遣那那迦隨
貢方物并獻金芙蓉冠龍腦香以鑄金為多羅葉隱起成文以為
表金函封之令婆羅門以香花奏蠡鼓而送之既入海見綠魚群
飛水上浮海十餘日至林邑東南坵山而行其海水色黃氣腥舟
行一日不絕云是大魚糞也循海北岸達于交趾駿以明年春與
那那迦於弘農謁帝帝大悅授駿等執戟都尉那那迦等官賞各
有差

通考卷之三百三十一

通考卷之三百三十一

日本南朝

十一

